



Vidio sam Vjerovjesnika, sallallahu alejhi ve sellem, da se abdesti na ovakav način, a zatim kaže: 'Ko se bude abdestio na ovakav način, a zatim klanja dva rekata, ne razmišljajući u njima o nečemu drugom, oprostit će mu se prethodni grijesi

Prenosi se od Humrana, šticićenika Osmana b. Affana, radijallahu anhu, da je vidio Osmana, radijallahu anhu, kako je zatražio vodu za abdest, a zatim iz posude posuo po rukama i oprao ih tri puta. Nakon toga, svoju desnu ruku je stavio u vodu, a zatim isprao usta, ušmrknuo vodu u nos i išmrknuo. Zatim je oprao lice tri puta i ruke do iza lakata tri puta. Zatim je potrao po svojoj glavi. Zatim je oprao noge (stopala) tri puta. Nakon toga je rekao: "Vidio sam Vjerovjesnika, sallallahu alejhi ve sellem, da se abdesti na ovakav način, a zatim kaže: 'Ko se bude abdestio na ovakav način, a zatim klanja dva rekata, ne razmišljajući u njima o nečemu drugom, oprostit će mu se prethodni grijesi."

[صحيح] [متفق عليه]

Osman, radijallahu anhu, nam praktično, kako bi bilo što jasnije, pojašnjava kako je Allahov Poslanik, sallallahu alejhi ve sellem, uzimao abdest. Naime, zatražio je posudu vode, te je posuo po rukama tri puta. Nakon toga, desnu ruku je zagnjurio u posudu uzevši vode s kojom je isprao usta, ušmrknuo vodu u nos, te je išmrknuo. Poslije toga, lice je oprao tri puta, te ruke do iza lakata tri puta. Potom je mokrom rukom jedanput prešao preko glave, a zatim je oprao noge do iznad članaka tri puta. Kada je završio sa abdestom, Osman je prisutne obavijestio da je vidio Allahovog Poslanika, sallallahu alejhi ve sellem, da na ovaj način uzima abdest i da im je saopštio da onaj ko ovako uzme abdest, te klanja dva rekata skrušeno, Uzvišeni će mu oprostiti grijehe koje je prethodno učinio.

<https://sunnah.global/hadeeth/bs/show/3313>

